

古  
今  
詞  
話

古今詞話

吳江沈 雄偶僧編纂

休寧江尚質丹崖增輯

詞評

金元

完顏璫如菴小橐

金史曰璫字子瑜完顏宗室明昌諸王禁不得與外  
交故得窮日力於書越王款文士亦時至其門藏書  
與中秘等其臨江仙青玉案可歌也見如菴小橐

蔡正甫曰密公子瑜宗室中第一流人物小詞可歌

非北南宋之有假氣

吳激東山樂府

古今詞話曰吳激字彥高故相子一日赴張總侍御  
家集出侍兒侑觴意狀推抑詢之爲故宋宣和殿官  
姬也時宇文叔通賦念奴嬌先成惟彥高作人月圓  
又在會寧府遇老姬善琵琶自言梨園舊籍因有感  
而製春從天上來後三山鄭中卿從張貴謨使北日  
聞有歌之者當時人盡稱之曰吳郎以樂府高天下

號爲吳蔡體

蔡松年蕭閒公集

詞品曰伯堅丞相樂府與彥高東山樂府多入選者  
即名吳蔡體者是也。獨推其銀屏小語私分麝月春  
心一點乃伯堅尉遲杯也。

黨懷英竹谿詞

中州樂府曰黨懷英文似歐陽不爲奇險語詩如陶  
謝奄有魏晉風少同辛幼安師事蔡伯堅爲其所識  
拔筮仕決以著辛得離南歸黨得坎留事金有竹谿  
詞。

王子可

中州樂府曰王子可字南雲本軍校子南渡後平郢城  
麻九疇知幾張穀伯玉與之游甚狎年三十病餘能  
作詩文與之紙輒書數百言散漫無首尾遇宋諱亦  
時時避之詢以故實其應如響稍有條貫以誕習語  
惑之有見其賦射虎云風色偃貂裘宮詞云翠雀啄  
晴苔醉後句云一壺天地醒眠小樂府句云吐尖絨  
舌淡紅酣旨李子遷贈云石鼎夜聯春筆健布囊春  
醉酒錢粗壬辰爲順天軍校所役尋卒有見之淮上

者詞故舊止無塵俗氣或曰忠義神仙也

王特起

堯山堂外紀曰正之喜遷鶯爲別妾作也有云玉樓  
歡宴記遺簪綺席題詩紈扇月枕雙欹雲窗同夢相  
伴小花淡院又云紅淚洗妝雨溼梨花面鴈底關河  
馬頭星角西去一程程遠悽惋曲盡其題荆仙女祠  
賀人生第三子俱有可存者

劉仲尹龍山詞

詞統曰仲尹字致君少擢第終節度副使龍山詞蓋

蔡清翁而得法者。草堂中與劉迎詞同入選。迎字無黨。爲記室。皆金昌詞人也。

高憲

古今詞話曰。王庭筠讀書黃華山寺。大定中登第。曾賦謁金門。梅花引。其甥高仲常好讀書。泰和中成進士。自言於世味無所好。惟生死文字間耳。以梅花引改名貧也樂。

元好問錦機集

金源口行錄曰。遺山從和天挺游。六年學成。閉閉公

以書招之爲延譽公卿間及登第出公之門正大甲申諸公坐政府有從外至者誦元子作秦王破寶建德降王世充露布公顧左右曰人言我黨元子誠黨之耶有錦機集其三奠子小聖樂松液凝空皆自製出也

錦機集曰正大中狂僧李菩薩於十月灑酒作花竟開牡丹二株遣山爲賦滿庭芳一時傳誦

馮子翼海粟詞

堯山堂外紀曰海粟臨文時命侍史二三人潤筆以



侯酒酣援紙疾書隨數多寡頃刻而畢有踏莎行以  
贈珠簾綉

段克己段成己

柳塘詞話曰河東段克己字復之著遯齋樂府弟成  
己字誠之著菊軒樂府兩人登第入元俱不仕時人  
目爲儒林標榜

許衡魯齋詞

元儒攷畧曰元史書集賢大學士許衡卒仕元之臣  
書卒者原其心也衡常語其子曰我平生爲虛名所

累不能殫官以至於此。死後勿立碑。勿請謚。但書許某之墓足矣。朝野哀之。有魯齋詞。

王惲秋澗詞

樂府紀聞曰。王惲字仲謀。汲縣人。官翰林承旨。仕元日。亦效吳彦高賦。故宮人春從天上來。詞不引用故實。而淡宕可喜。小詞甚多。若平湖樂。卽元人所爲曲調也。

劉秉忠

楊慎曰。元太保劉秉忠。有乾荷樂曲。以咏本意。又製

一首以弔宋高宗云吳山依舊酒旗風。雨度江南燕。  
蓋秉忠助元堯。宋而其詞之憑弔感慨亦其勢之有  
不容已者然。

陳孚

堯山堂外紀曰。天台陳剛中。曾爲僧以避世變。洎至  
元中。又獻大一統賦。得官。後奉使安南。詩云。老母越  
南垂白髮。病妻塞北倚黃昏。蠻烟瘴雨交州客。三處  
相思一夢魂。其詞亦有誌風土之異者。太常引一闋。  
淚漬青衫不少。

王國器

詞統曰王德璉趙待制子昂之壻其學識爲壓衆望尤長於今樂府延祐中曾製踏莎行八闕誌香奩韻事以貽楊廉夫廉夫使侍兒歌之又梓行之以見王孫門中雖閱喪亂而風雅猶存也

趙雍

沈雄曰趙雍字仲穆子昂之子延祐八年作木蘭花慢別書樂府成卷以就正於王德璉蓋魏公長倩王國器也長於今樂府楊鐵崖亟稱之者明正德己卯

文徵明題其後云。趙待制風流習尚。不減魏公。見於  
卷軸者。未有若此之富也。

許初曰。所書凡三十五首。而艷詞特多。凭闌干水調  
歌頭二闕。頗以孤忠自許。紛華是薄。而與亾骨肉之  
感。默寓其中。意其父子之仕。當時亦寔有所不得已  
者。良可悲也。

姚燧

詞品曰。牧菴燧字也。一代文章鉅公。醉高歌一曲。高  
古不減東坡稼軒。柳城人。元翰林承旨。

滕賓玉霄集

柳塘詞話曰楊慎詞品云元人工於小令者玉霄集中不減宋人之工按賓字玉霄睢陽人官江西提舉後棄家入天台爲道士稱涵虛子其鵲橋仙齊天樂二闕其推清綺

喬吉惺惺樂府

堯山堂外紀曰喬夢符有和黃子常賣花聲本意者亦常自言作樂府有法鳳頭豬肚豹尾是也有惺惺老人樂府

陶宗儀南村集

柳塘詞話曰輟耕錄緣起於天台陶宗儀九成其字也崎嶇離亂且每以筆墨自隨時時休息於樹陰有聞見輒摘葉書之貯破盎埋樹根下積數十日盡發其藏作書曰輟耕錄嗣有南村集有宋頒韻序一篇

虞集道園集

柳塘詞話曰蜀人虞集伯生虞允文五世孫也仕元爲翰林元文宗御奎章閣伯生侍從日以討論法書名畫爲事柯敬仲退居吳下伯生賦風入松寄之報

趙先生歸也杏花春雨江南

去翰墨兼善詩坊以

此織成帕焉幾如法錦後張

一舉於柯敬仲席上爲

作摸魚子記之卒章云楚芳上潤吳蘭媚一曲夕陽

西下試問人生誰是無情者先生歸也但留意江南

杏花春雨和淚在羅帕

### 仇遠山村集

元儒攷畧曰仇遠號山村錢塘人一時名公鉅卿都  
與之詞章往來遊其門者張雨張翥俱知名當世

### 張翥蛻菴樂府



柳塘詞話曰晉寧張仲舉至正初學士與同時韓伯清錢舜舉姚子章爲多有蜨菴樂府常集西湖爲賦綠頭鴨俱以晚山青爲起句

倪瓚清閨閣詞

柳塘詞話曰倪字元鎮慕吳仲圭之爲人而從事於画法仲圭漁父詞紅葉村西日影餘黃蘆灘畔月痕初爲麀溪沈處士作也元鎮繪之爲圖詞亦淡潔

顧阿瑛玉山璞詞

柳塘詞話曰崑山顧阿瑛一名德輝好游年五十頃

定壽藏自誌其生平成立狀每出以其文隨身往來  
九峯遯浦書經于九里寺自稱金粟後身有玉山璞  
詞。

張野古山樂府

詞綜曰張野古山樂府所載奪錦標石州慢念奴嬌  
水龍吟諸詞其十六字令所云開簾放燕者是其所  
製也卽卽人

邵亨貞巖術詞

沈雄曰邵亨貞字清溪曾有沁園春二首一賦美人

眉一賦美人目。新艷入情。世所傳誦。其單調凭闌人。  
云。誰寫江南一段秋。妝點錢塘蘇小樓。樓中多少愁。  
楚山無限愁。僅此四句。爲創調。氣竭於直。而情亦不  
賒。

楊維禎

沈雄曰。廉夫於元季。有風雅宗盟之望。每識拔後進。  
如楊基。瞿佑等。年未七十。休官游淞泖間。有稱其爲  
江山風月福人者。其爲古文詞。好高古。末世恐爲人  
所嫉。致禍。故不至濫於筆墨焉。

劉基文成集

樂府紀聞曰劉文成少習天官兵法家言揭傒斯一  
見奇之曰王佐才也及見太祖命賦竹筴詩有漢家  
四百年天下只在張良一借間句恨相見晚後以佐  
命助封誠意伯其詞雖婉麗而有感慨之句

楊守醇曰子房不見詞章玄齡僅辨符檄文成勲業  
爛然可謂千古人傑小詞亦見一班有文成集

凌雲翰柘軒詞

古今詞話曰：凌彥猷領至正鄉薦，洪武初辟爲成都倅，嘗作霜天曉角梅詞、柳梢青柳詞，多梅柳爭春集。後退居吳興，與楊復初築室南山，俱號避俗翁。

柳塘詞話曰：柘軒詞格爽逸，非儷玉駢金者比。無俗念。詠月云：正面相看君記取。全體本來無缺。空裏非空。夢中是夢。莫向癡人說。爲悟後人語。

王行半軒詞

沈雄曰：王止仲國初遺老，有賦迎春樂用夾鐘商調。賦解語花用林鐘羽調。前輩之按律填詞如此。

高啓青丘樂府

柳塘詞話曰季廸十宮詞思淡致遠不僅典贍見長也卽如長門怨云君明猶不察妬極是情淡可以想見其情思青丘樂府大致以疎曠見長而石州慢又纏綿之極綠楊芳草年少拋人晏元獻何必不作婦人語

楊基眉菴集

樂府紀聞曰孟載少時見楊廉夫命賦鐵笛歌成廉夫喜曰吾思謬徑荒矣今當讓子一頭地有老楊小

楊之稱眉 也詞饒有新致

柳塘詞話曰孟載詩如西湖柳枝綽約近人春草詩  
六朝舊恨斜陽外南浦新愁細雨中落花詩無人搖  
動秋千索黃鳥飛來架上啼絕妙好詞也其情致不  
及格者拚醉望愁醒愁因醉轉增菩薩蠻調也尚短  
柳如新折後已殘花似未開時浣溪沙調也

瞿佑

樂府紀聞曰宗吉少爲楊廉夫所知父士衡以鞋盃  
行酒令鳳池園春稱善廉夫爲延譽於四方永樂中

以詩禍謫成保安營居西湖富清樓製摸魚子十首  
曰西湖十景梅淡張子成賦應天長草窓周公謹賦  
木蘭花慢皆晚宋名家惜工夫有餘而氣韻不足故  
每篇未必寓以傷感焉

史鑑西村集

柳塘詞話曰吳江史鑑字明古相傳建文遜國後潛  
奉其家閔鑑其父方生明古請於建文命之名賜曰  
鑑小詞收首見西村集

年東軒詞



樂府紀聞曰：聶字壽卿，與馬洪齊名。聶賦十筭子，蓋自況也。爲武陵訓導，天順初被徵脩史，投詩於王抑菴。家宰云：鏡中白髮難饒我。湖上青山欲待誰。千里故人分藥少，百年公論蓋棺遲。抑菴爲之泣下曰：欲我銘其墓耳。其東軒集中有玉樓人醉東風晚，高捲紅簾看杏花，真詞筆也。

馬洪花影集

樂府紀聞曰：仁和馬鶴窓與聶東軒倡和有詞集，馬自敘云：四十餘年，僅得百篇，名花影集。

堯山堂外紀曰徐伯齡言馬鶴窓陸清溪俱出翁莊之門陸得詩律馬得詞調楊用脩詞品謂其皓首羣布而含英咀華儼若貴介故四十餘年僅得百篇也

### 吳寬趙寬

耆舊續聞曰吳寬字原博有匏菴詞繁花落盡畱紅藥新笋叢生帶綠苔名句也趙寬字栗夫受知於匏菴匏菴曰不遇吳寬爭得趙寬兩人俱登進士第一而趙爲吳所本皆得名吳有詞曰匏菴集趙有詞曰半江集

顧璘

吳郡顧華玉弘正間大司寇爲當時風雅主盟負知  
人之鑒稱東橋先生識拔張江陵於童子時其詩有  
君王自信圖中貌靜女虛迎夢裡車詞亦近是

商輅

曹溶曰先正弘載諸公負荷鼎輔重望卽其見於文  
情詩思亦不願以庸濫爭長故其爲小詞也明淨簡  
鍊亦復沾沾自喜至今讀其旅情春暮秋月退食篇  
什不墮時趨自有殊致

楊慎

成都楊用脩正德辛未第一人。因辨禮謫戍瀘州。號爲淹博。所輯詞品百琲明珠。詞林萬選。諸種亦詞家功臣也。所作極典瞻而少生動。正李于鱗所云銅山金埒之句。雕繪滿前者也。夫人黃氏亦有寄外巫山一段雲旅思滿庭芳數闕。流誦於世。

夏言桂洲集

柳塘詞話曰。文愍少時侍父於臨清宦邸。出外漁色。爲人所困。每愛名姬一塊玉者。禁之不止。登第後。嘉

靖中以議禮驟擢。猶寄情於小詞。大拜日不廢也。踏莎行等詞。故嫁名於世。名氏又見桂洲集中。

湧幢小品曰。世廟因正月降雪。命夏言等作時玉賦。石塘曾銑與夏爲內戚。夏遂信爲河套可復。緣作漁家傲屬和之。黃泰泉有千金不買陳平計句。蓋譏之也。

王世貞弇州詞

王世懋

堯山堂外紀曰。弇州少好讀書。駱行簡奇之曰。他日以文章鳴世。汪道昆曰。詩如孫武。韓信用兵。官續市。

人無不可陳詞則沾沾自喜亦出人一頭地李于鱗曰惟其敢與狎主齊盟而小詞弗逮也詞四十九首沈雄曰第麟洲人盡呼爲小美奉常集所列詞不過數首自謂游江西後頗覺有進

吳子孝海峯集

沈雄曰子孝字純叔吳文端公一鵬之子海峯詞集大約近於質實者滿庭芳四闋獨有新艷之句

高濂

沈詞隱曰高深甫詞獨出清裁不附會於庸俗者

文徵明

太平清話曰衡山極熟勝國遺事能口述其故實里居性介潔太宰喬白巖司空林見素爲延舉於朝授翰林待詔卽乞歸往來姚山漚浦小詞散布隸書尤工常勒一碑於報恩村寺爲演教鶯子削去衆惜之

陳淳白陽集

太平清話曰道復又善繪事一草一木無不畢肖故白陽集所得句極是瀟灑而又明切者

徐渭

蘭皋集曰文長每下第時作諧謔語謔語引經據古  
聰穎絕倫名一夕詬其文遜徵仲之雅馴而才思總  
不猶人也故詞多刻入一種

明詩紀事曰徐文長與沈明臣爲胡少保幕客倭寇  
旣靖譙將士於爛柯山徐作饒歌云接得羽書知破  
賊爛柯山上正圍碁帳下共推擒虎將江南只數義  
烏兵少保命勒石其詞止菩薩蠻鵲踏花翻入選

沈璟

明詩紀事曰沈璟成進士後善音律好遊戲一日將



泛西湖途中自按紅牙度曲。邏卒疑其有異。置之獄。時諸昆戚歷顯秩。號爲五鳳齊鳴者。其諂錢唐獄間。起居冠蓋。絡繹縣令待罪去。進士號詞隱先生。著九宮譜。定古今詞譜。故近代之曲律詞調。必以松陵沈氏爲宗云。

### 俞彥近體樂府

詞表曰。少卿刻意填詞。工於小令。持論極嚴。且以刻燭磨唱爲奇。不無率露語。至其備審源委。不趨佻險。而遵雅淡。獨見典型。

沈林貞隱詞

徐汧曰貞隱先生學深於易與白陽山人往還洵是  
嘉隆人物有古風故其小詞數闕無一浮靡之句

張綖

沈雄曰維揚張世文爲圖譜絕不似嘯餘譜詞體明  
辨之有舛錯而爲之規規矩矩亦填詞家之一助也  
乃其自製鵲踏枝有云紫燕雙飛深院靜寶枕紗厨  
睡起嬌如病一線碧烟縈藻井小鬟茶進龍香餅又  
斜日高樓明錦幕樓上佳人凝倚闌于角心事不知

綠底惡對花珠淚雙雙落更自新倚蘊藉振起一時者

湯顯祖玉茗堂詞

沈雄曰義仍精思異彩見於傳奇出其餘緒以爲填詞後人猶咏其迴文必指爲義仍傑作也

張杞和花間集

詞統曰西蜀南唐而下獨開北宋之壘又轉爲南宋之派花間致語幾於盡矣黃陂張迂公得起而全和之使人不流於庸濫之句謂非其大力與

劉榮嗣簡齋集

沈雄曰劉司空忠而被謫三年請室故生平多牢落  
侘傺語有簡齋集人謂其中秋踏莎行花明而月白  
者如其人也昔人謂陳簡齋無住詞語意超絕可摩  
坡仙之壘吾於劉簡齋亦云然

茅維十賚堂詞

沈雄曰盛明以帖括之餘而涉爲詩詞者十不一工  
孝若獨浸淫於古而才情又橫放傑出故一時艷稱  
之有十賚堂詞

程頤石交堂詞

沈雄曰休寧程墨仙不爲金粉遮障閨幃鋪張之語至情之句妙合至理而又毫不可動如玉樓春之密怨蝶戀花之憶別推閨情第一要不數嚴次山也余嘗有云生居古人之後而猶多創獲之詞非才倍古人者弗能今幸得於石交堂一刻也

黃承聖蘿窓詞

汪森曰婁江黃奉倩小詞數首名蘿窓詞亦自有遠神好句者吳江周永年爲之序

吳鼎芳庵覽集

柳塘詞話曰傳稱吳凝父好游每在莫釐縹緲兩峯間數十日僅得一二絕句先輩風流應不似時人浪費筆墨也詞止小令三十首極濃艷而又刻入載庵覽集

江尚質曰吳凝父有春游曲云雨餘芳草綠新齊亭榭無人絲幕低忽慢好風傳語笑流鶯飛過杏花西則詩亦詞也

董斯張靜齋詞

柳塘詞話曰：潯上董寇周與周永年茅維爲詞友。周有懷響齋詞，茅有十賚堂詞，而遐周詞並不隨人口。吻陳黃門大樽，謂其風流調笑，情事如見者也。

李元鼎文江唱和

沈雄曰：李司馬風神玉立，如閬苑蓬島中人，更得遠山夫人佳儷，唱酬足傳千秋佳話。文江集出，余師錢牧齋爲之序，迄今膾炙人口。

范文光內江游草

柳塘詞話曰：鄒程村語余云：范仲開先輩續花間集。

皆画舫青樓之詞。自作小叙。原非不及情者。今得博  
採之。以誌前代風流。且以當東京夢華錄也。余答之  
曰。內江備兵明時。旣爲僧。復殉節。雲水爲致小詞二  
十闕於余。故得述之。

陳繼儒晚香堂詞

柳塘詞話曰。眉公早歲。隱於九峰。工書畫。與董宗伯  
其昌善。爲延譽。公卿間。每得眉公片楮。輒作天際真  
人想。但傳其居余山。只吟咏過日。不知弘景當年。松  
風庭院中。作何生活。其小詞瀟灑。不作艷語。見晚香



堂集

卓人月

王庭曰。蕊淵於詞家。獨闢生面。但於宋人蘊藉處。不無快意欲盡之病。然詞統一書。爲之規規而矩矩。亦詞家一大功臣也。余見其與徐士俊棲水倡和有晤歌諸篇什。迄今倚聲之學。遍天下。蓋得風氣之先者。

沈聞華

蘭皋集曰。聞華中翰之詞。最工香簋玉樓春數闕。此其零膏剩粉。座間猶留三日香者也。其伯仲如君。服

善詩。一生不作酬應語。君庸善曲。如鞭歌妓。灞亭秋  
譜劇盛傳人口。皆妙絕塵表。若中翰之慷慨殉國。又  
不可以柔情艷語測之耳。

陳大樽湘真集

蘭皋集曰。有讚大樽文高兩漢。詩軼三唐。蒼勁之色。  
與節義相符者。乃湘真一集。風流婉麗如此。傳稱河  
南亮節。作字不勝綺羅。廣平鐵心梅賦。偏工清艷。吾  
於大樽益信。

吳惕菴北征小草

柳塘詞話曰明季楊菴西郊較射便讀其東湖禰感  
云。滾宮醉舞夜敵國卧薪時想見其有心斯世楊菴  
服土刑武林僧名敬然者乞遺骸於張撫軍葬萊園  
中爲位哭之歲時供以麥餅猶傳其浪淘沙絕命詞  
成敗論英雄史筆朦朧云云

徐白笑菴詞

柳塘詞話曰山人遊變後足跡不入城市築室於萬  
芻山前館娃宮左寫幅青山以易白粲而已好摹毛  
滂謝逸之爲詞尙有吟咏餘意小令差有可觀也

葉紹袁遷聊詞

江尚質曰。葉天寥水部詞。偶見其浣溪沙云。銀粉畫  
雲乾。蝶夢繡針拋。雨溼鵲愁。冷笑博開雙臉白。春愁  
不上小眉青。先輩遂有此新艷過人之句。其詞三十  
三首。名遷聊集。

周永年懷響齋詞

沈雄曰。安期師以博洽著名。家宰白川之孫。固世其  
家學者。虞山錢牧齋師所撰列朝詩選。從中補輯亦  
多。所著詞規。未竟無後而廢。剩有懷響齋詞。如宿雨

指磨新月色。晚風擡舉好花枝。新艷如是。

湯傳楹湘中草

沈雄曰。湯字卿謀。多才早失。著賓病秋箋。卿謀死。其友左悔菴爲文哭之。情至之語。亦數千言。在他人不能下一字。別爲之刻。湘中草小詞。特多秀發之句。而藻思總不由人者。

錢繼章菊農長短句

沈雄曰。魏里錢爾斐。五十三年填詞手也。曾貽我菊農長短句。見其編以歲月。感慨係之。其詞亦整而有

法

王翊二槐堂詞

王邁人曰。余兄介人專習詞。集必備諸調。調復備諸體。二槐堂藁遂以千計。迨遭盜盡。沉之江。身以無有存者。余兒援聞鹿城何太初有選本。求得之。乃十之二三也。陳大樽序之。余梓之以俟世之閱者。

易震吉佳哉軒詞

沈雄曰。顧菴學士貽我佳哉軒詞。蓋易月槎稿也。流寓金陵。所得詞。總不拾人牙後慧。而饒有別致。

夏存古玉樊堂詞

柳塘詞話曰：夏存古玉樊堂詞，向得之曹顧菴五集中。見其詞致慷慨淋漓，不須易水悲歌，一時悽感，聞者不能爲懷，留此數闕以當東京夢華錄也。

徐士俊鴈樓詞

柳塘詞話曰：野君與余論詩，如康莊九達，車驅馬驟，易爲假步。詞如深巖曲徑，叢篠幽花，源幾折而始流，橋獨木而方渡，非具騷情賦骨者，未易染指。其言正爲吾輩長價。

詞評 昭代

吳偉業梅村詞

熊雪堂曰。情語不嫌其盡。終不露英雄兒女本色。則尤服其無一字欺人處。

王阮亭曰。婁東吳祭酒長短句。能驅使南北史爲體中。獨創小詞流麗穩貼。不徒直逼幼安也。

沈雄曰。有以梅村比吳彥高者。曰。吳郎近以樂府高天下。余讀其十八年來如夢萬事淒涼。幾使唾壺欲碎。



江尚質曰。祭酒神於使事。又得一唱三歎之旨。若其  
艷情動色。豈真效樊川風致。所謂正是客心愁絕處。  
見人紅袖倚高樓。亦復未能免此。

熊文舉雪堂集

倚聲集曰。新建詞。不矜奇鬪麗。猶有晏氏父子之風。  
柳塘詞話曰。少宰夫人。爲廣陵內君杜猗蘭。丙戌南  
歸。爲遠山夫人作詞叙。以酌南鄉子之贈。所云慶易  
水之生還。羨鑑湖之得請。良有以也。雪堂可謂不孤  
矣。

龔鼎孳香嚴齋詞

倚聲集曰南宋諸詞以進奉故未免淺俗取妍香嚴一集如此雕搜綵致仍歸生色真香所謂妙音難文未易爲淺人索解

徐鉉曰古人蘊藉生動一唱三歎以不盡爲嘉清真以短調行長調滔滔漭漭如唐初四傑作七古嫌其不能盡變至姜史蔣吳融鍊字句法無不備兼擅其勝者惟芝麓尙書矣

曹溶寓言集

陳素菴曰秋嶽詞從無一蹈襲之語正不必擬之以  
周秦周秦合議一頭地

龔芝菴曰君詞如晏小山合情曄之勝以取徑於風  
華者所云舞低楊柳樓心月歌罷桃花扇底風庶乎

單恂竹香菴詞

沈雄曰曾見蓴僧與同學論詞所尚當行者選旨造  
深含情麗楚縱復絃中防露矜裏迴文要不失三百  
篇與騷賦古樂府之遺意故其竹香菴詞工於言情  
而藻思麗句復不猶人也

陳世祥散木詞

沈雄曰善百老於填詞曾貽我半豹吟蟲餘集數年以來情詞婉至諸家必以散木爲金荃蘭畹之比故咸快其流傳自以散木名其詞

梁清標棠村詞

梁冶湄曰叔父家法自理學經濟諸書外稗官野史不許子弟流覽然使其涉獵詩詞者所以發其興觀羣怨使知古來美人芳草皆有寄托也故得從間竊觀蕉林集凡樂章小令必一一從統素間誌之

宋徵興幽蘭草

倚聲集曰幽蘭諸詞不及湘真在新警中仍留蘊藉以才情論則轅文居勝

彭羨門曰詞於雲間稱盛然能作景語不能作情語常從素筵見宋宗丞長相思十六闕力仿沈休文上憶諸體言情之作刻劃無餘斯爲優矣

宋琬二鄉亭詞

沈雄曰聞荔裳觀察只閉戶兩月而竟爲填詞老手余最服其賦情之真摯用語之蒼古是以夙學之淹

貫而溢爲聲歌故不難也

李雯幽蘭草

曹顧菴曰雲間諸子填詞必不肯入姜之琢語亦不屑爲柳七俳調舒章舍人是歐秦入手處

繡程村曰舒章作小重山除夕全不學村夫子面目  
賀裳紅牙詞

王阮亭曰紅牙咏燕詞斜日拖花微風撲絮不獨措語之工正如柳塘花塢之詩讀之便覺春光駘宕  
彭羨門曰紅牙一集其刻劃迷離處西陵松栢北里

菖蒲履遺纓絕宛然在月

鄒程村曰余過金閭賀拓菴爲余言黃公少時風流  
倜儻在青櫻桃葉間大有佳話此醉花陰卽事入之  
北里志中猶令讀者想十四樓風味也

董以寧國儀集

曹掌公曰董文友殆仿毛文錫之贊成功而不及者  
也穎異居然第一

沈偶僧曰毛馳黃評楊升菴詞有沐蘭浴芳吐雪含  
英之妙將無詞有別腸乎以余讀文友詞極其儼巧

恰合屯田待制得意處。國儀一集。幾四百首。又恐其以喁喁兒女語。漸淪落於漁樵問答也。故欲力爲芟而存之。

王庭秋閒草

沈雄曰。王院亭推服方百五言。逼真韋左司。故其詞且淡泊而不嫌於俚。刻入而不傷於率。學道人固無一事荒唐。無一語欺人處。

曹爾堪南溪詞

吳梅村曰。顧菴諸詞。有渭南之蕭散。無後村之龐豪。



南宋當家之技

鄒程村曰南溪諸詞能取眼前景物隨手位置所製自成勝寄如晏小山善寫杯酒間一時意中事嘗使蓮鴻蘋雲別按紅牙以歌之

宋曄楓香詞

曹秋嶽曰湯潛菴稱牧仲詩爲蕭閒澹遠於山水文章有深情者楓香小詞亦浸淫於樂府流溢而爲法曲不作儇巧是一大家

沈雄曰我友甫草其年輩數游京洛歸卽艷稱宋公

爲風雅宗盟。今讀楓香一刻。固集周柳辛陸諸家而  
爲大成。翩翩材藻。正不屑爭雄於下中李蔡也。

王士禛炊聞卮語

鄒程村曰。西樵考功。無題諸詩。麗情逸致。已見一斑。  
所撰然脂百餘卷。朱鳥軼事數帙。大爲形管紀勝。而  
炊聞卮語。亦復新艷自矜。尤悔菴爲之叙。更爲賞識。  
不倦也。

丁澎扶荔詞

沈維曰。荔園詞部。於拂意時。不作佗條俚語。偏工旖

旄愁腸故扶荔詞曲盡纖艷之思其友亦有以詞東之者勸君莫負賞花時幸歸矣長嘯復奚爲黃髮笑將憑紅肌論英雄如此足矣其中調行香子兩同心諸作猶有酒悲餘緒

### 九侗百末詞

倚聲集曰展成所作字字雋脫有瑤天笙鶴之致西堂襍俎諸刻自爾欣艷宸衷也

柳塘詞話曰晦菴人文壓倒一世每爲填詞家作小序不用樹顛苦思亦更層次有致落筆便有雋上殊

勝之想。

韓純玉鳳晨堂詞

徐雁菴曰子遠爲吳興人文之望間賦小詞必措語鮮綻謀篇清圓不爲透露亦非沉刻填詞上乘也

沈謙東江別業

沈雄曰家去矜諸詞率從屯田待制浸淫而出言情最爲濃摯又必欲據秦黃之壘以鳴得意所以來朱歇浦之論詞書也

余懷秋雪詞

吳梅村曰。澹心詞大要本於放翁。而點染藻艷。出脫輕俊。又得諸金荃蘭畹。此由學富而才俊。無所不詣其勝耳。

龔芝麓曰。澹心余子。驚才絕艷。吐氣若蘭。而捫管題詞。直舉淮海之旗。奪小山之簞者。

吳綺藝香詞

王阮亭曰。園次太守。工爲小賦。雋逼庾鮑。詞亦哀江南之流。

吳縣菴曰。吳興有藝香山。爲西施種蘭處。家園次適

守是邦。取以名詞者也。其深麗綿密。集周秦諸家而  
爲大成。海內操觚家。堪語此者。且少。

王士禎衍波詞

詞衷曰。衍波一集。體備唐宋。日不給賞。如楊子江上  
之風。高雁斷。蜀崗眺望之亂柳。棲鴉。非坡公之弔古。  
平吮鏡之一泓秋水。碧於烟。贈雁之水。碧沙明。參橫。  
月落。還向瀟湘去。非梅溪白石之賦物乎。楚簟涼生。  
孤睡何曾。羞借錦水桃花。殘色。合蛟淚。和入。隴麋小。  
字重封。非清真淮海之言情乎。要其工緻而綺靡者。

花間之致語也。其婉戀而流轉者。草堂之麗字也。填詞於是無憾矣。

汪蛟門曰。阮亭嘗稱易安。功安俱濟南人物。各擅詞家之勝。衍波一集。旣和漱玉。復仿稼軒。千古風流。遂欲一身兼并耶。

黃永溪南詞

沈雄曰。溪南詞不趨新闢險。整攝自餘情致。余偕其年讀溪南詞。金縷曲云。說年來家同鷗泛。門夾鶴守。細註農家新月令。樂事吾生儘有。茅簷下。烏鳥擊缶。

卷四 詩 溪都不惡好風光只落閒人手得想見其生趣。

宗元鼎芙蓉集

曹顧菴曰梅岑稱小香居士芙蓉集緣情綺麗不減西崑丁卯而詩餘特出清綺周晉仙謂花間一書只有絲雨溼流光五字使讀梅岑半溼斜陽暮又如何嘆賞耶。

吳騏芝田集

沈去矜曰日千詞專工小令讀之不纖不詭不淺不



深生色真香在離卽之間晚唐人用疊字多不見佳  
易安聲聲慢連下十四疊字不嫌其複日千亦連下  
十二疊字此等語自宜於填詞家耳

張淵懿雒鵲草

倚聲集曰其詞不過數闋而筋節成就處入北宋堂  
奧非時流湊泊所能及

柳塘詞話曰張硯銘雒鵲草獨能刪削靡曼之詞咸  
歸雅潔而出以工緻徐驪菴向曾爲余言之此真選  
聲第一功臣也

秦松齡微雲詞

沈雄曰。對巖以庾鮑雋才。燕許大手。得心古學。海內推之。入越聯吟。已窺半豹。而微雲一帙。絕無俗惡字句。猶可想見花影亂鶯聲碎於當年。

李天馥容齋詞

沈雄曰。容齋詞深于意態。如香堦小立。不知還徘徊。久端爲出來難。小重山之艷情也。豈遜南唐極日香塵舊板橋路。迢迢不見歸鞍。見柳條憶王孫之春望也。逼真北宋。迺若倩覓不隔枕函邊。化作彩雲飛去。

遠更有餘情矣

鄒砥謨麗農詞

鄒程村自敘曰阮亭衍波羨門延露彭王齊名良云  
不忝近復以僕麗農詞列爲三家者竊有子魚龍尾  
之思矣

沈偶僧曰許士少有鄒董之日多拈僻調後來曲折  
盡變而時出新警之句

彭孫通延露詞

詞衷曰彭十是艷詞耑家于阮亭曰每當十郎輒自

覺偷父沈去矜宗梅岑諸子亦云夫一字之工能生百媚卽欲拂然不受其可得耶

柳塘詞話曰延露詞綽狀有生趣而又耐人長想如舊社酒徒零亂添得紅襟燕落花一夜嫁東風無情蜂蝶輕相許詞家所謂無理而入妙非深情者不辦

毛際可映竹軒詞

沈雄曰余於同人輩稔知會侯工填詞其古文已讀之久矣然未見其映竹軒全集也曾有郵寄蝶戀花一闋云桂魄清涼寒玉宇顧影無聊影也添淒楚爲

古今詩話  
月不眠情更苦。來宵願下廉纖雨。○待欲澆愁斟綠  
醕。酒盡愁生。畢竟愁爲主。天上寄愁愁可去。天孫正  
別銀河渚。似此曲折情致。豈可與頽唐弄筆者比數  
哉。

董元愷蒼梧詞

潘眉曰。舜民卜築蒼梧別業。有偕隱終焉之志。其所  
游歷。燕趙秦晉齊魯魏宋越楚。以及三江五湖七閩  
百粵諸名勝。盡入奚囊。故小詞亦以蒼梧名之。殊有  
山川鬱蔥之態。

董俞玉鳧詞

張硯銘曰宋尚木爲詞家老手推重董樗亭津津不置近復見潮陽所寄赫蹏云每日荒陬無事輒焚香咏玉鳧樂府其虛懷折服如此

汪晉賢曰樗亭婉麗之什源於清商諸曲遂與子夜歡閒競爽若矯健疎宕處則又歌行佳境非學步辛陸者也

陳玉璫映山堂詞

沈雄曰映山堂詞不喜浮艷自有沉摯之力夢裡和

愁愁時如夢情似越梅酸此咏閨情也縱舞遍天涯  
休教忘了繡閣斜陽裡此咏落花也一如湘真之深  
於意態者

汪懋麟錦瑟詞

徐電發曰宋詞俱被管絃故設大晟應制金元院本  
一出不復管絃舊詞蛟門以錦瑟名詞亦欲如柳郎  
中爭勝於歌頭尾犯之下與相傳令狐楚丞相家青  
衣名錦瑟者李義山素受知於令狐楚又爲王元茂  
鄭亞所辟義山托爲錦瑟諸咏以冀其感動豈蛟門

亦有所托與要之溫情昵語空彈撥於鵲絃雁柱之中非僅酒邊花下已也

曹貞吉珂雪詞

沈雄曰寔菴詞久從南溪讀其一二恨未窺其全豹珂雪新麗欲想見其丰采而未可得茲覽陳榆村題詞云愛佳詞一編珂雪雄深蒼穩筭蝶板鶯簧不準多少詞場談文藻向豪蘇賦柳尋藍本吾大笑比蛙也君詞更出其望外

江皋染香詞



沈雄曰詞如菊英蘭畹生色堪把匪直如古人構思  
抒寫厥裏已也夢與矜齒鬪飭者異耳

吳樞曰旨取溫柔詞歸蘊藉所謂雅而閨幃勿浸而  
悲曲細而幽折勿墮而庸套者是也

孫枝蔚灝堂詞

尤梅菴曰豹人老矣元龍湖海之氣未除而有時寄  
托閒情作喁喁兒女語者猶之東坡令朝雲唱花褪  
殘紅稼軒倩盈盈翠袖搵英雄淚老子於此興復不  
淺每讀其小妾不嫌白髮先生其坐朱簾句可見

高士奇疏香詞

汪校曰學士朝朝染翰者皆補版太平景象有謂權  
愉之詞難工者謬也邗上夏之禹郵寄疏香詞得捧  
讀之如惟恐瓊樓玉宇高處不勝寒無異坡公之愛  
君也

陳維崧檢討詞鈔

蔣景祁曰其年詞刻於倚聲者輒棄去因厲志爲烏  
絲詞集已刻而未竟也復傷鄒董謝世以向所失意  
及平生所誦習一一於詞見之如是者十年名曰迦

陵詞取裁非一體造就非一詣豪情艷趣觸緒紛起  
要皆含咀醞釀而出向使其年於詞墨守專家若沈  
雄蕩激則目爲儵父柔聲曼節或鄙爲婦人卽極力  
爲幽情妙緒昔人已不能之者其能開疆闢宇曠古  
絕今一至此耶此余與同學急索其詞而謀梓之凡  
千八百篇旣芟而復存之曰詞鈔者志其缺也

朱彝尊江湖載酒集

李容齋曰錫鬯集唐句爲詞曰蕃錦集不惟調協聲  
和又復文心妙合眞傑構也

沈雄曰汪晉賢盛稱竹垞新詞貽我一卷讀之如夢  
窗之麗情幽思不可梯接但下語用事處淺人固不  
易知

江尚質曰竹垞檢討每拈一調務爲精警奇思妙句  
總不猶人良由夙昔之博洽典籍以暨平生之周覽  
山川復得勝情如此載酒一集亦尙有未盡者

毛奇齡當樓集

柳塘詞話曰文如吳錦斑爛情至之語使人色飛魂  
動近與竹垞迎陵輩纂脩之暇不廢吟咏穎異亦當

前隊如小姑不解斷人腸。看花落。又看浴鵲。鵲眼底  
分明暗着人。故逐旁人語。落花原有早和遲。空自曉  
風吹了。晚風吹妙。麗勝人百倍。

嚴繩孫秋水詞

柳塘詞話曰。余於秋水詞中。見蓀友所製。娟娟靜好。  
行役寄情如此。亦詞品之最上乘也。

徐鉉菊莊詞

李容齋曰。菊莊詞藻則遠取諸古。而情思則近得乎  
真。故無裾掖粉飾之跡。

郭士琤樞詞

桑雪薌曰。清則雲輕柳弱。怨則月墮烟沉。隔花啼鳥。  
當路游絲。有其麗情。調雨爲酥。催冰做水。有其神思。  
以至一川烟草。三徑風梅。眉樞好句。兼而有之。

顧貞觀彈指詞

顧茂倫曰。梁汾舍人。吾家之司馬散騎也。翩翩風采。  
久不作等夸觀矣。其詞亦爲世所競賞。

沈偶僧曰。余同吳季子北游。與梁汾締交於芙蓉江。  
上。此三十年事也。伯勞飛燕。已成白首。茲讀彈指詞。

妙麗勝人。及寄季子金縷曲。歎其多情於詞。亦無欲盡之病。

陸次雲玉山詞

宋寶穎曰。余讀雲士所題三異人祠壁。一往情深。至其倚聲。便請以三先生句還贈之。如忠愍之野樹含烟。迷寺迴寒山被雪。倚窓明忠肅之暗香。直入蛟龍窟。絕勝飄零點翠苔。正學之能採風雅無窮意。始是乾坤絕妙詞。以擬玉山之風格。其誰曰不可。

沈雄曰。陸令君風雅。蔚家蘊藉處。正是其生動處。

沈爾燦月團詞

芳竹垞曰月團詞綺而不傷雕繪艷而不傷醇雅逼  
真南宋風格安得不歎其工

萬樹香膽詞

沈雄曰讀紅友詞已見細心微詣近得詞律一書留  
情倚聲服其上下千載有功詞學固當以公瑾望之  
沈豐垣蘭思詞

洪昉思曰蘭思詞多天然妙語如獨憐春草不成花  
石盡晚雲都做水爲徐野君拈出怪底窺人鶯不語



絲楊枝上微微雨。爲沈去。矜拈出。余尤賞其回屏飛去。瀟湘月一床。夜月吹羌笛。直臻神境。而在不可解。不必解之間。

汪森月河詞

沈雄曰。晉賢與竹垞搜輯宋元未見詞章。刻爲詞綜三十卷。以廣見聞。俾倚聲者之有所宗。大有功於詞者。月河一刻不下百篇。而整潔自好。亦自成家。故其人亦如之。余訪之於梧桐鄉。贈答百字。今已知名下。無虛也。

周穆廉雲居堂詞

錢葆汾曰水持詞艷而不纖利而不滑刻入而無雕琢之痕奇警而無突兀之病可與彷彿者溧陽彭爰琴綉水朱竹垞耳

蔣景祁卷溪詞

宋牧仲曰卷溪詞清蒼似片玉流麗似草窓並不作意標新而詞情自浮動楮墨間逐影尋聲之徒正未足以語此也

昔管人曰京少擅潘江陸海之奇而工曉風殘月之

句便有才大於人自不羈之勢故曼詞不讓其年

張軫邀笛詞

沈雄曰嚶城張具區詞對偶最工如江南好日秋白  
菓香詩岫紫冬青子熟酒槽紅又曰萬壽亭邊爭渡  
急千人石上端春情諸句清新俊逸備之矣其七夕  
詞有云偏是儂家歡會人間只管喧傳此語千古未  
經人道破者

沈時棟承廈校

周承

校